

SAKE 24 (Beeld)  
16 Feb 2011, p.5

## Mededingingsappèlhof sê voertuigopspoorders is onskuldig

**Amanda Visser, Pretoria**

Drie van die land se bekende voertuigopspoorders het hulle nie skuldig gemaak aan onmededingingstrag nie.

Dit is die bevinding van die Mededingingsappèlhof nadat Netstar, Tracker en Matrix appèl teen hul skuldigebevinding voor die Mededingingstribunsaal aan-

geteken het.

Die maatskappye is verlede jaar ná 'n jare lange ondersoek deur die Mededingingskommissie en uiteindelik verhoor voor die tribunaal daaraan skuldig bevind dat hulle hul mededingers uit die mark gesluit het.

Die was volgens Tracetec, die klaer in die saak, onmoontlik om aan die standaarde van 'n subko-

mittee van die opsporingsvereniging Vesa te voldoen.

Eers as 'n opspoorder aan die standaarde voldoen het, kon hy akkreditasie by Vesa kry.

Omdat hy nie aan die standaard kon voldoen nie, is hy uit die mark gesluit.

Waarnemende regter M.J.D. Wallis het in sy uitspraak verwys na die rol van die SAIA, die verse-

keringsvereniging, en sy lede.

Die vraag wat in dié saak gevra moet word is of dit 'n ooreenkoms tussen dié voertuigopspoorders was wat tot 'n vermindering of verhoeding van mededinging gelei het en of dit die optrede van SAIA en sy lede was.

Dit was vir hom duidelik dat dit eerder die SAIA en sy lede se optrede was wat tot die verminde-

ring van mededinging gelei het.

Die standaard was op aandrang van die SAIA.

Dit was ook die SAIA wat deelgeneem het aan die voorbereiding van die standaard en ondersteuning gegee het met die bekendmaking daarvan.

Die meeste van sy lede het net afslag op premies gegee as die opspoorders by Vesa geakkredi-

teer was.

Wallis het beveel dat Tracetec die voertuigopspoorders se koste vir die appèl moet betaal.

Me. Riëtte Botha, Matrix se bestuurshoof, sê sy is verheug dat hul appèl suksesvol was.

Die behoefte aan 'n standaard is deur die SAIA aangedryf in 'n poging om die publiek en die verse-

keringsbedryf teen sleuterorgani-

sasies te beskerm.

"Die positiewe gevolg van die appèl is 'n bewys dat die standaard nie onmededingend was nie en dat Tracetec nie in staat was om 'n werkende opsporings-

produkt en diens te lewer soos wat hy aanvanklik beweer het nie."

Die partye het nie enige boetes ná hul skuldigebevinding betaal nie.